



NUNAANNARMUT PILERSAARUT NR. 7 ITINNERA



NUUP KOMMUNEA
TEKNIKKIMUT AVATANGIISINULLU INGERLATSIVIK
Juuni 2007

ILITSERSUUT..... 2

NASSUIAAT

Tunuliaqutaa.....	3
Nunaannarmut pilersarutip siunertaa	3
Immikkoortup atorneqarnera ingerlanneqarneralu.....	4
Immikkoortup allaaserinera	4
• Itinnerata oqaluttassartaa.....	4
• Illut atortullu pioreersut	5
• Lejrskolissap inissisimaffissaa	6
Pilersaarusionermut allamut sanilliullugu Nunaannarmut pilersaarutip imai	7
Teknikkikkut atortut allallu.....	7
Avatangiisimut tunngasut	7
Inatsisit atuukkallartut.....	8
Inatsisit atortussanngortinneqarneri	8
Oqallisigineqarfia akuersissutigineqarneralu	9

AALAJANGERSAKKAT

§ 1. Nunaannarmut pilersaarutip siunertaa	10
§ 2. Nunaannarmut pilersaarusionerfiusoq.....	10
§ 3. Immikkoortup atorneqarnissaa	10
§ 4. Aqqusinermit aqqusineeqqanut il. il. tunngasut	10
§ 5. Illup annertussusia, inissisimaffia silataatalu isikkua.....	10
§ 6. Immikkoortumut tamarmut piumasaqaataasut	11
§ 7. Teknikkikkut atortut	11
§ 8. Sanaartukkap nutaap atulernissaaneranut piumasaqaatit.....	12

AKUERSISSUTEQARNERMI ATSIORNEQ

Siunnersuutitut akuersissuteqarneq	13
--	-----------

Ilanngussaq 1: Nunaannarmut pilersaarutip nunataata assinga, immikkoortup killilerneru	14
---	----

Ilanngussaq 2: Nunaannarmut pilersaarutip nunataata assinga, sanaartorfissiat.....	16
---	----

Ilanngussaq 3: Pilersaarusionermut takussutissaq	18
---	----

Nunaannarmut pilersaarut immikkoortumi aalajangersimasumi nunaminertat, illuaqqat nutaat il.il. qanoq atorneqarnissaat, inissisimatinneqarnissaat ilusilersorneqarnissaallu pillugit aalajangersaasuvoq.

Nunaannarmut pilersaarummiippat nassuiaat ilitersuutitalik aammalu aalajangersakkat.

Nassuiaatip eqqartorpai nunaannarmut pilersaaruttip siunertaa anguniarneqartullu, tassa immikkoortup iluani eqqaanilu pissutsit atuutereersut, kiisalu pilersaaruttip pilersaarusiernerup sinneranut qanoq inissisimansoq. Nunaannarmut pilersaarummi aalajangersakkat inatsisitali pituttorsimasuupput.

Inatsisartut nunaminertat atorneqarnissaat pilersaarusiortifigineqarnissaallu pillugit peqqussutaat nr. 17, 30 oktobari 1992-imeersoq, kingornalu allannguutitaqartinneqartoq taamatullu Nalunaarut nr. 23, 18. november 1992-imeersoq malillugu kommunalbestyrelse nunaannarmi nunaminertanut, kommunimut pilersaarummi akuerisami illoqarfiup nunaqarfiullu killeqarfiata avataaniittunut pilersaarusiorsinnaavoq.

Taamaattumik nunaannarmut pilersaarutissatut siunnersuut minnerpaamik tamanut saqqummiunneqassaaq sapaatit akunnerini 6-ini. Tamatuma kingorna akerliliissutit allannguutissatullu siunnersuutit kommunalbestyrelsip naliliiffigissavai.

Nunaannarmut pilersaarut inaarutaasumik naalakkersuisunit akuersissutigineqassaaq, nunaannarmut pilersaarut inaarutaasumik atulersinneqarnera pillugu tamanut nalunaaruteqannginnermi. Nunaannarmut pilersaarusiortoqarneranut atatillugu, nunaannarmut pilersaarusiortifimmut tunngatillugu nunaminertanik aqutsineq kommunip Naalakkersuisunit tigusunnaavaa.

Nunaannarmut pilersaarummi inatsisitali atugassangortinneqartut erseqqinnerusumik eqqartorneqarput.



Takussutissaq 1: Sumiiffiup oqaluttuassartaanik illukut taku-
titisippu

NASSUIAAT

Tunuliaqutaa

Kommunalbestyrelsip annerusumik kommu-
nimi atuarfinit atorneqartartussamik lejrsko-
limik pilersitsinissaq kissaatigigaa. Lejrskole
pinngortitami inissisimassaaq perorsaanerlu
eqqarsaatigalugu qanittumiittunit akornuser-
sornerarani sammisassat ingerlanneqarsin-
naassallutik.

Peqatigitillugu kissaatigineqarpoq, isuman-
naallisaaneq eqqarsaatigalugu, lejrskole atta-
veqaatinut pioreersunut qanittumi inissisima-
tinneqassasoq.


Itinnerata qulaani lejrskolimik nutaamik piler-
sitsinissamat piumassarineqartit pigivai.
Kommunalbestyrelsip kissaataa angujumallu-
gu una nunaannarmut pilersaarut matumuuna
aalajangersarneqarpoq sumiiffimmi nunami-
nertap lejrskolitut atorneqarsinnaanera pillugu.



Takussutissaq 2: Kapisillit kangerluani Itinnerata inissisimaffia

Nunaannarmut pilersaarutip siunertaa

Nunaannarmut pilersaarutip siunertaraa su-
miiffimmi lejrskoliliorsinnaanerup periarfis-
siuunnissaa. Ilutigitillugulu nunaannarmut pi-
lersaarutip qulakkiissavaa immikkoortumi al-
latut atorneqartunik pilersitsisoqannginnissaa.



Takussutissaq 3: Nunaannarmut pilersaarutip killeqarfia illutaalu



Takussutissaq 4: Tutut toqunneqareeraangata sissamut ingerlaartitsissutaasimasoq.

Peqatigitillugu nunaannarmut pilersaarutip qulakkiissavaa nunaminertamut oqartussaanerup Naalakkersuisuniit Nuup Kommuneanut tunniunenqarnissaa.

Immikkoortup atorneqarnera ingerlanneqarneralu

Nunaannarmut pilersaarummi aalajangersarneqarpoq immikkoortup lejrskoleqarfissatut taamaallaat atorneqarnissaa taamaattorli periarfissaqarluni immikkoortumi Nuummiit Kapisilinnut pisuttunut unnuisarfimmik pilersitsisinnaaneq. Taamaalilluni immikkoortumut killeliunneqartup iluani allatut atuinissamut imaluunniit aalajangersimasumik najugaqarnissamut periarfissaqassanani.

Immikkoortup nassuiarnera

Nunaannarmut pilersaaruseriorfik tassaavoq Itinnera eqqaanilu nunaminertat, illut atortullu. Nunaannarmut pilersaaruseriorfiusup immikkoortorta nuna assingani 1-imi takutinneqartut killeqartinneqarpoq nunaminertarlu 305 ha-it missiliorlugit annertussuseqarpoq.

Itinnera Kapisillit kangerluanniippoq nunaqarfimmit Kapisilinnit 10 km-it missiliorlugit ungasitsigisumiilluni.

Itinnera paavata avannaatungaani qooqqersimanermi qoorumiippoq. Qooroq kujammut atuaraanni Ameralimmut appakaatissaaq. Qooroq atuarlugu pisukkaanni nuannerluinnartuuvoq.


Itinnerata kangiani qatsiartumi taseqarpoq. Kuuk qooroq qiterarlugu ippoq nunataalu kangianut kimmullu immikkoortillugu.

Itinnerata oqaluttuassartaa

Tuttuuteqarneq 1953-imi aallartinneqarpoq Norge-miit tutunik eqqussinikkut. Jens Rosing tassaavoq, saaminik peqateqarluni, tuttuuteqarfimmik siulliullutik ingerlatsisut.



Takussutissaq 5: Saavaniittoq: tuttuuteqarfik, poortuisarfik nakkutilliisullu illua. Tunua tungaani: illu anginngitsoq tuttu-nik paarsisut illuat, el-værki akunnittarfillu.



Takussutissaq 6: Illut pioreersut



Takussutissaq 7: Hali atorunnaarnikoq lejrskolimi sammisanut atorneqarsinnaasoq

60-ikkut 70-ikkullu ingerlaneranni ajunngit-sumik tuttuuteqarnek ingerlanneqarpoq, ukiulli arlallit ingerlanerlioreerluni tuttuuteqarnek 1998-imi unitsinneqarpoq tuttuuteqarfillu matuneqarluni.

Illut atortullu pioreersut

Immikkoortumut ilisarnaataavoq tuttuuteqarfiusimanera, tassa ungalut, halit marluk nakkutilliisullu illui tassaniimmata.

Illut atortullu pioreersut takussutissaq 6-imi takutinneqarput, normulersornerilu malillugit nassuarneqarput.


1. Nakkutilliisuusimasup illua B-309 1953-imi napparneqarpoq. Ajoraluartumilli aserorteriffigineqarsimavoq, nalilerneqarporlu iluarsaal-lugu atuleqqissinnaanera imminut akilersinnaanngit. Illu isaterneqartariaqarpoq, illu taa-matut isikkoqartillugu tikeraanut ulorianarsinnaammat.
2. Poortuisarfik (B-normoqanngitsoq) aserfallas-simasuuvoq annikitsumilli iluarsaakkaanni iluarsineqarsinnaalluni. Hali lejrskolip ilaatut atorneqarsinnaavoq, kiassagaanngitsutut sammisanut assigiinngitsunut atorneqarsinnaalluni.
3. Toqoraavittaa B-279 aamma aserfallassima-voq, iluarsaaterujussuanngikkaluarlugulu pitsaanerulersinneqarsinnaalluni. Hali lejrskolimi sammisaqartitsinernut atorneqarsinnaavoq kiassagaanngitsutut.
4. Ungalut
5. Tuttunik toqutanik ingerlaartitsissutaasimasut. Taakku tuttuuteqarfik atuarlugu ungaluniit halit marluk aqqusaarlugit sissap tungaanut ataqatigiissitsisuupput. Ingerlaartitsissutaasimasup tuttuuteqarfik ungalusimasutulli inissisimavoq ersarilluni.

Illu atortullu 1-imiit 5-imut tassaapput oqalutuarisaanermut illuliortaatsimullu pingaaruteqarluinnartuusut. Tuttuuteqarfik sumiiffimmuut assut pitsaaqutaavoq, tassa siusinnerusukkut tamaani suliaqartarsimaneq takuneqarsinnaammat atortut ilusii malillugit. Taamaattumik tuttuuteqarfiusimasup illutai ataasiakkaat



Takussutissaq 8: Ungalut

- pigiinnarnissaat naleqquttuulluni, imm. 2-5-imi taaneqartut.
6. Innaallagissiorfiusimasoq (B-normutaqanngitsoq) sumiiffiup kitaa'tungaaniittoq tuttuuteqarfiusimasup pigiva. Illu aserfallassimaqaaq isatertariaqarlunilu.
 7. Illuaraq akunnittarfik B-310 sumiiffiup kitaa'tungaaniittoq ajorisassaangilaq Nuumiillu Kapisilinnut pisummik ingerlaartunut unnuisarfinngorsinnaalluni.
 8. Tuttunik paarsisut inaat B-295 sumiiffiup kitaa'tungaaniittoq aserfallassimaqaaq isaterneqartariaqarlunilu.
 9. Illu mikisioq B-normoqanngitsoq sumiiffiup kitaa'tungaaniittoq aserfallassimaqaaq isaterneqartariaqarlunlu.
 10. Illu mikisioq B-normoqanngitsoq sumiiffiup kangianiittoq aserorterifigineqarsimavoq ingitserneqartariaqarlunilu.



Takussutissaq 9: Immikkoortumi sanaartorfissaq A

Lejrskoleqarfissap inissisimaffissaa

Nunaannarmut pilersaarummi lejrskolimut sanaartorfissatut piukkunnartoq Sanaartorfissiaq A-mi atugassanngortinneqarpoq:

Sanaartorfissiaq A tuttuuteqarfiup kujataa'tungaani inissisimavoq. Nunap assingani 2-mi pilersaarusiamut titartagaq takuuk.

Sumiiffimmi ataasiinnarmik lejrskoliliortoqarsinnaavoq.

Sanaartorfissamut A-mut eqqarsaatigineqarpoq tuttuuteqarfiusimasup lejrskoliliarinissaa, taamaalillugu tamassumap oqaluttuassartaa ingerlateqqinneqassammat sumiiffiullu pitsaassusia atorluarneqarluni.

Sanaartorfissiaq A-mi lejrskolilornerup kingunerissavaa lejrskolimut poortuisarfiusimasup toqoraaviusimasullu ilanngunneqarsinnaanneri.

Pilersaarusionermit allamut sanilliullugu Nunaannarmut pilersaarutip imai

Kommuninut pilersaarut

Kommunimut pilersaarummi 2005 – 2014 Itinnera tassaavoq immikkoortoq soqutiginaateqartoq, ”asiartarfittut kommunimilu pingortitap takornariaqarnermit atorneqarnissaa pillugu tunngaviusussaq”. Pilersaarummi takuneqarsinnaavoq Kommunalbestyrelsip kisaatigigaa immikkoortumut nunaannarmut pilersaarusiortoqassasoq, illut pioreersut atorlugit soorlu lejrskoleqalernissaq eqqarsaatigalugu.

Itinnera aamma Nuup Kommuneani illuaqqat pillugit nalunaarusiami ilaatinneqarpoq. Tasani allassimavoq tuttuuteqarfiusimasup avanamut kangiani sunngiffimmi illuaraqarfeqassasoq.

Teknikkikkut atortut allallu

Innaallagissamik pilersuineq annerusumik seqernup qinngorneri atorlugit pissaaq. Lejrskolip innaallagissamik pilersorneqarneranut tapertatut immikkoortumi generatoriliisoqarsinnaavoq.

Imerkik pilersuineq pissaaq Itinnerata kangiani tatsimiit aasaanerani aqputaa atorlugu.

Avatangiisimut tunngasut

Nuup Kommuneani aasarsiortarfinni eqqakkat peerneqartarnissaat pillugit malittarisassat 22. april 2002-meersut atuupput malinneqassallutillu.

Generatorimiit nipiliorneq annikillisinniarneqassaaq.

Inatsisit atuukkallartut

Nunaannarmut pilersaarutissatut siunnersuut tamanut saqqummiunneqarpat, nunaminertat, illut atortullu nunaannarmut pilersaarummi ilaatinneqartut atorneqassanngillat imaluunniit sanaartorfigineqassanngillat nunaannarmut pilersaarummi inaarutaasumi allassimasut

unioqqutillugit.

Inatsisit atuukkallartut atuutissapput nunaannarmut pilersaarutip inaarutaasumik akuersissutigineqarnissaata tungaanut – taamaattorli siunnersuutip tamanut saqqummiunneqarneraniit ukioq ataaseq sivilissuseqartumik.

Inatsisit atortussanngortinneqarneri

Nunaannarmut pilersaarut Naalakkersuisunit akuersissutigineqarpat tamanullu saqqummiunneqarluni, taava nunaminertat, illut atortullu nunaannarmut pilersaarummi ilaatinneqartut atorneqarsinnaapput imaluunniit sanaartofigineqarsinnaapput taamaallaat nunaannarmut pilersaarummi aalajangersakkat malillugit.

Taamaattorli immikkut pisoqartillugu annikitsuinnarmik unioqqutitsinissamut immikkut itumik akuersissuteqartoqarsinnaavoq. Annerusunik unioqqutitsinerit nutaamik nunaannarmut pilersaarusiornissamik kinguneqassapput.

Nunaannarmut pilersaarummi nunaminertat, illut atortullu pilersaarummi ilaatinneqartut pilersinnissaat imaangilaq ilumut pilersinneqassasut.

Maannamut nunaminertat, illut atortullu inatsisit malillugit atorneqarneri ingerlaannarsinnaavoq. Tassa ilaatigut imaalluni nunaminertat, illut atortullu inatsisit malillugit atorneqarneri ingerlaannarsinnaasoq akerlianilli soorlu allannguilluni atuneq imaluunniit nutaamik sanaartorneq nunaannarmut pilersaarut unioqqutillugu pisinnaanani.

Oqallisigineqarfia akuersissutigineqarneralu

Nunaannarmut pilersaarutissatut siunnersuut nr. 7, Itinnera, tamanut oqallisissanngorlugu saqqummiunneqassaaq piffissami ulloq 9. maaji 2007-imiit ulloq 20. juuni 2007-ip tungaanut.

Tusarniaanerup nalaani pilersaarut pillugu oqaaseqaatit akerliliissutillu ataasiakkaat tigu-

neqarput.

Kommunalbestyrelsip Nunaannarmut pilersaarut nr. 7, Itinnera, ulloq 25. juuni 2007-imi suliarivaa akuersissutigalugulu aqqissuinikkut tamanut saqqummiussamut sanilliullugu allannguisoqarsinnaanera kiisalu allannguinertit annerit uku pisinnaasut:

- Nunaannarmut pilersaaruserfiup killeqarfia kangerliumanertalerlugu annertusitineqassaaq nunaannarmut pilersaaruserfiusup iluani puttasoqarsinnaalersillugu.
- Nunaannarmut pilersaarummi sumiiffiup kangianiittup illup B-normoqanngitsup peerneqartariaqarnera ingitserneqartariaqarneralu pillugit aalajangersaasoqassaaq.

Naalakkersuisut Nunaannarmut pilersaarut nr. 7, Itinnera, ulloq 4. juuli 2007 akuersissutigiivaat taamaalillunilu nunaminertamut oqartusaaneq Nuup Kommunea Kommunalbestyrelsimut tunniunneqarpoq.

AALAJANGERSAKKAT

Matumuuna kommunalbestyrelsip Naalakkersuisut nunaminertanik atui-neq pilersaarusiornerlu pillugit peqqusutaat nr. 17, 30. oktobari 1992-imeersaq, aamma nunaminertanik atui-neq pilersaarusiornerlu pillugit Nalunaarut nr. 23, 18. november 1992-imeersaq naapertorlugit aalajangersakkat tullinnguuttut aalajangersarpai.

§ 1 Nunaannarmut pilersaarutip siunertaa

1.1 Nunaannarmut pilersaarutip siunertaraa:

- qulakkiissallugu nunap asiariartarfit-tut atorneqarnissaa,
- qulakkiissallugu nuna artukkernagu atorneqarnissaa avatangiisiatalu allanngutsaalineqarnissaa,
- immikkoortumi tassani lejrskoleqalernissaanik periarfissiuussinissaq,
- qulakkiissallugu immikkoortup oqaluttuarisaaneranut atatillugit lejrskolip inissinneqarnissaa
- Nuummiit Kapsilinnut pisuttunut aq-qummut atatillugu unnuisarfeqarnis-saanik periarfissiuussinissaq
- qulakkiissallugu tassani allanik lejrskoliunngitsumik unnuisarfiunngitsumillu pilersitsisoqannginnissaa
- nunaminertamut oqartussaassuseq Naalakkersuisuniit Kommunalbestyrelsimut tunniunneqarnissaa, immik-koortumi nunaannarmut pilersaarusiortoqareerneratigut.

§ 2 Nunaannarmut pilersaarusiorfiusoq

Nunaannarmut pilersaarut nunap assin-gani 1-imi takutinneqartut killeqartin-neqarpoq.

2.1 Nunaannarmut pilersaarusiorfiusoq 41 ha-itut annertussuseqarpoq.

§ 3 Immikkoortup atorneqarnissaa

- 3.1 Nakkutilliisuusimasup illua, B-309, ingitserneqassaaq.
- 3.2 Toqoraaviusimasoq B279 poortuisarfiu-simasorlu iluarsaanneqarsinnaapput lejrskolimullu ilanngutitinneqarsinnaal-lutik.
- 3.3 Inissimatitsisarfik B-310 Nuummiit Kapisilinnut pisuttunut unnuisarfit-tut atorneqarsinnaavoq.

§ 4 Aqqusiner-mut aqqusinee-qqanut il.il. tunngasut.

- 4.1 Aqqusineeraq ingerlaartitsivik atuarlugu sissamoortoq pigiinnarneqassaaq.
- 4.2 Immikkoortumi angalaneq tamarmi lejrskolimi ingerlanneqartut eqqarsaatigalugit pissaaq.

§ 5 Illup annertussusia, inissimaffia silataatalu isikkua

Sanaartorfissiaq A:

- 5.1 Sanaartorfissiaq 3,6 ha-itut annertussuseqarpoq.
- 5.2 Sanaartorfissiap iluani kommunip inissimatitsivianik lejrskolilior-toqarsinnaavoq.
- 5.3 Sanaartorfiusoq quleriunngitsumik sanaartorfineqassaaq aamma 300 kvm-init annertunerutinneqassanngilaq.
- 5.4 Sanaartorfiup iluani quiliortoqarsinnaavoq, erfalasulerfiliisoqarsinnaavoq, pu-joorivilior-toqarsinnaavoq, panersiiveqarsinnaavoq kiisalu anerasaartarfeqarsinnaalluni.

Tuttuuteqarfiusimasoq:

- 5.5 Nakkutilliisuusimasup illua B-309 ingitserneqassaaq.

- 5.6 Illunik ingitserisoqartillugu ingitsikkat allanut akornutaanngitsumik inississorneqassapput.
- 5.7 Illooreersut taakkulu atortui 2 – 5-imi taaneqartut iluarsaanneqarsinnaapput lejrskolimullu ilanngutitinneqarsinnaalutik.

Illooreersut allat:

- 5.8 Illunik ingitserisoqartillugu ingitsikkat allanut akornutaanngitsumik inississorneqassapput.
- 5.9 Innaallagissiorfiusimasoq ingitserneqarsinnaavoq ingitserneqartariaqarlunilu.
- 5.10 Illuaraq immikkoortup kitaaniittoq B-normutaqanngitsoq ingitserneqarsinnaavoq ingitserneqartariaqarlunilu.
- 5.11 Immikkoortup kangiani illu B-normoqanngitsoq ingitserneqarsinnaavoq ingitserneqartariaqarlunilu.
- 5.12 Tuttunik paarsisut inaat B-295 ingitserneqarsinnaallunilu ingitserneqartariaqarpoq.
- 5.13 Inisimatitsisarfioreersoq B-310 taamatut itsillugu Nuummiit Kapisilinnut pisuttunut unnuisarfitut atorineqarsinnaavoq.
- 5.14 Unnuisarfimmik pilersitsisoqassappat tamanna B-310-p silataatigut ilallugu pisinnaavoq.

§ 6 Immikkoortumut tamarmut piusaqaataasut.

- 6.1 Nunaminertat sanaartorfiunngitsut sanaartorerup nalaani sapinngisamik mianerineqassapput. Nuna innarlerneqasimatillugu iluarsineqartassaaq.
- 6.2 Nunaannarmut pilersarusiorfiusup ilua ungaluneqassanngilaq, tassa ungaloo-reersut avataani.

- 6.3 Immikkoortumi arsaattarfissamut, pinn-guarterfissamut, ikumaartitsisarfissamut allanullu sukisaarsaarutaasinnaasunik, annertunngitsunik pilersitsisoqarsinnaavoq.
- 6.4 Illumik piginnittoq pisussaavoq nunaminertap illup eqqaaniittup kusarnartuunissaanik torersuutinnissaanillu.

§ 7 Teknikkikkut atortut

- 7.1 Lejrskolimut imermik pilersuineq pis-saaq immikkoortup kangiani tatsimiit aasaanerani attavia atorlugu.
- 7.2 Lejrskolimut imeqarfiliortoqartinnagu Pinn-gortitamut Avatangiisinullu Pisor-taqarfimmut qinnuteqaateqartoqaqqaas-saaq, *Imeqarfissatut isumalluutininik mingutsitsinaveersaarnissaaq imerine-qartussamillu imeqarfiorneq pillugit Namminersornerullutik Oqartussat nalunaarutaat nr. 9, 15. aprili 1993-imeersoq* malillugu.
- 7.3 Nunaannarmut pilersarusiorfiusumi tamarmi sumiiffimmut pilersuinermit teknikikkut atortunik pilersitsisoqarsinnaavoq. Sananeqartut inissinneqassapput ilusilerneqarlutillu sanaartukkat nunaminertallu sanaartorfiunngitsut eqqarsaatigalugit nunamut tulluussarneqassapput.
- 7.4 Imeq illup qalianeersoq imikorlu illu nigorlugu kuuffeqartinneqassapput tassa toqqavianut katersuuttussaajunnaarlugu. Kuuffeqartitsineq eqqaani illunut, aqqu-sineeqqanut nunaminertanullu sukisaarsarfiusunut akornutaassanngilaq.
- 7.5 Lejrskole unnuisarfillu perusersarfilerneqassapput imaartakkanik, aquttarfik imaartagaq imai naggorissaatigineqarsinnaapput immamulluunniit iginneqassapput allanut avatangiisimulluunniit akornutaanngitsumik.
- 7.6 Perusersartarfiup imakui assanneqassappata taakku sumiiffii nalunaaqutser-

neqassapput allagartamik sumiiffialuunniit ungaluneqarluni.

- 7.7 Imerk kuutsittakkanik taamaallaat perusuersartarfeqartinneqassaaq kuuffimmut pioreersumut attaviliisoqassapat.
- 7.8 Generatori quimiitinneqassaaq imalu inissisimatinneqassalluni nipiliornera sapinngisamik annikillisinneqarluni. Kaammattuutigineqarpoq seqernup nukinga atorlugu nukiliortumik (solceller) allatulluunniit nukiliummik atuisoqarnissaa
- 7.9 Angallatinut talittarfimmik puttasumik inissiisoqarsinnaavoq nunap assingani 2-ni nalunaaqutserneqarsimasumi.
- 7.10 Igitakut piginnittumik ikuallanneqarlutilluunniit nassarneqassapput. Ikuallaneq ima pissaaq eqqaani illunut, pingortitamut imaluunniit najugaqartunut allanut navialiffiunngitsumik akornutaanngitsumilluunniit. Nuup Kommuneata igitat pillugit malittarisassaa malinneqassaaq.

§ 8 Sanaartukkap nutaap atulersinnaaneranut piunasaqaatit

- 8.1 Illut tamarmik Nuup Kommuneanit suliarineqassapput.
- 8.2 Illut illuutinut oqartussaasunit atorneqarnissaat pillugit akuersisoqarpat aatsaat atorneqarsinnaalissapput.
- 8.3 Atuilinnginnermi aquttarfiit qassit qanorlu inissinneqarsimani kiisalu imikoorutip anartarfiillu Kommunalbestyrelsimit akuersissutigineqaqqaassapput *Anartarfiit aamma imermik errortuivikumik anartarfiillu imaanik eqqaaneq pillugit Namminersornerullutik Oqartussat nalunaarutaat nr. 27, 17. septembari 1993-imeersoq malillugu.*

AKUERSISSUTEQARNERMI ATSIORNEQ

Akuersissuteqarneq

Matumuuna Kommunalbestyrelsimit Nunaannarmut pilersaarut nr. 7, Itinnera, akuersissutigineqarpoq.

Nuup Kommunea ulloq

26/6 07



Agnethe Davidsen
borgmester



Kim Hvistendahl
allaffissuarimi pisortaaneq

Matumuuna Kalaallit Nunaanni Naalakkersuisunit Nunaannarmut pilersaarut nr. 7, Itinnera, akuersissutigineqarpoq tassungalugu atatillugu nunaannarmut pilersaarusrifiusumi nunaminertamut oqartussaassuseq Nuup Kommuneanut tunniunneqarluni.

Ulloq:


4/7 - 2007

Namminersornerullutik Oqartussat
GRØNLANDS HJEMMESTYRE
Direktoratet for Miljø- og Natur
Postbox 1614, 3900 Nuuk



Nunaannarmut pilersaarut nr. 7, Itinnera, inaarutaasumik akuersissutigineqarlunilu atortussanngortinenqarpoq 11/7 2007

AVANNA
NORD



Atsiorneranut nassuiaat / Signaturforklaring



Nunaannarmut pilersaarutip killinga /
Frilandsplangrænse



NUUP KOMMUNEA

Teknikkimut Avatangiisinullu ingerlatsivik
Forvaltning for Teknik og Miljø
Illoqarfimmut pilersaarut / Byplan

Illoqarfiup ilaanut pilersaarut nr. 7, Itinnera
Frilandsplan nr. 7, Itinnera


Ilanngussaq 1 Nunaannarmut pilersaarusiortuup assinga

Bilag 1 Frilandsplankort

Uttuut / Mål 1:6000

juuni/juni 2007

AVANNA
NORD



Atsiorneranut nassuiaat / Signaturforklaring



Nunaannarmut pilersaarutip killinga /
Frilandsplangrænse



Sanaartorfissiaq /
Byggefelt



Puttasup inissiffissaanut killeqarfik /
Zone, hvorfra der kan etableres en pontonbro



Atorneqarsinnaq / Kan anvendes



Ingitserineq / Nedrivning



NUUP KOMMUNEA

Teknikkimut Avatangiisinullu ingerlatsivik
Forvaltning for Teknik og Miljø
Illoqarfimmud pilersaarut / Byplan


Illoqarfiup ilaanut pilersaarut nr. 7, Itinnera
Frilandsplan nr. 7, Itinnera

Ilanngussaq 2 Nunaannarmut pilersaaruseriorfiup assinga
Bilag 2 Frilandsplankort



Uttuut / Mål 1:2000

juuni/juni 2007

AVANNA
NORD



Atsiorneranut nassuiaat / Signaturforklaring

-  Sanaartukkat nutaat puttsorlu /
Nye bygninger og pontonbro
-  Illut allangutsaaliukkat /
Bevarede bygninger



NUUP KOMMUNEA

Teknikkimut Avatangiisinullu ingerlatsivik
Forvaltning for Teknik og Miljø
Illoqarfimmut pilersaarut / Byplan

Illoqarfiup ilaanut pilersaarut nr. 7, Itinnera
Frilandsplan nr. 7, Itinnera

Ilangussaaq 3 Pilersaarutip takussutissartaa
Bilag 3 Illustrationsplan

Uttuut / Mål 1:2000

juuni/juni 2007